

敬

一

堂

詩

鈔

敬一堂詩鈔卷七

混同顧八代文起著

博陵尹會一元孚輯

七言律詩

述懷

一生愚直寡相同幸託孤衷

聖鑒中一自

盛朝參典禮偶因小醜佐神功擁書獨惜三冬日  
破浪遂乘萬里風煉石補天安足信致

敬一堂詩鈔

卷七

七言律詩

君堯舜意何窮

遊香山

香山頂上梵王宮窗戶平臨翠巒中雲霧一峰  
先見月天清萬壑遠聞風頓教名利情皆淡更  
使襟懷慮自空獨有明朝封事切須臾留戀意  
無窮

西樓值雨

西樓吟坐自開軒雲暗千山失遠村滴瀝已能  
滋草木滂沱更可益田園池中碧水添新浪石

上青苔洗舊痕簷溜喜看如瀑布偏宜清興對  
芳尊

閑友人集

近來風雅復誰言三百篇傳君更尊書積著盈  
劉向閣律多細入杜陵門清新佳句人爭讀淵  
博奇文世並存綵筆謾求時所好須知高古更  
堪論

西樓秋望

月朗星稀眼界超倚欄危坐意囂囂千林風度

偏多韻萬嶺光懸不似宵幽意自隨秋色闊清  
襟頓覺俗塵消夜闌倍覺增詩興更買餘杭酒

一瓢

春日閒眺

一年最好是春天花颺和風柳颺煙四野閒雲  
生遠岫半橋斜日照流泉樵行山逕渾如畫漁  
下灘籠不用船借問紅塵飛蓋客可能駐馬暫

留連

即事

雨過庭前花色潤風來簷下竹聲清閑雲野水  
渾無意啼鳥鳴蛙別有情偶得新詩逢友和更  
沽濁酒與僧傾從來佛印知蘇子醉話池邊待  
月明

春分喜雨

三春方半雨瀟瀟擊牖敲窗破寂寥三徑殘花  
垂片片一園新竹濯條條泉源已喜連畦滿畝  
畝還欣潤土饒獨念陽春榮物色閒愁此日應

全消

對月

簾捲高齋月色饒桂花香淡坐清宵道心一半  
親茶竈詩思偏多在酒瓢滅燭觀書神靜默扶  
筇顧影意逍遙隨緣城市皆堪隱何用青山遠  
見招

化日吟

百年碌碌自如愚卧病中林感薄軀豈謂風雲  
曾際會應慚雨露久沾濡潛居但覺心源靜垂  
老方欣肺病蘇扶杖簷前瞻化日還同鼓腹樂

康衢

風雨驟至阻游

纔向南園曳杖吟無端風雨振高林黃鶯翠雀  
羣相散綠柳紅桃半不禁亦解陰晴原不定更  
堪柑酒擬重尋歸途已厭溪橋滑泥濘獨難陟  
遠岑

病中有感

終年伏枕但長吁幾度睞瞪感病軀春榻已經  
侵暖日宵衾猶似抱冰壺半甌粥飲朝常飽三

月仁違意那娛徒把寸陰供藥餌何堪垂景是  
桑榆

閒適

環堵室中萬卷書清襟無日不閒舒琴因月上  
絃方理詩爲貧工意自如但使種花元亮徑不  
須問字子雲居更將圖畫懸幽壁卧視溪山興  
有餘

范少伯歸湖

功成棄爵一舟輕鳥喙堪知遂隱名紫綬已捐

身若死黃金空鑄像如生五湖歸去人何在萬  
古愁來月自明我欲泊船向煙渚白蘋無際水  
無情

逢時

乾坤造化妙無窮萬物氤氳長育功雨露不遺  
閒草木恩波還及衆昆蟲春來花鳥江山麗秋  
至風雲天地空被褐自憐存璞玉何須爲器待  
良工

景州道上口占

策馬州途想舊名當年脩地有遺城陳公墓在廣川古董子帷空衛水清樹上霜隨紅葉下山頭峰斷碧雲橫西風到處如相識卻謝吹衣送客情

再遊東臯

人傑方知地有靈風流謝傳寄儀型樓臺正想當時賞草木還同舊日馨種藥亭邊池水碧望春閣外阜煙青更尋幽僻書連屋想見伊人醉

六經

賦得蟬鳴黃葉漢宮秋

宮池疎柳亂鳴蟬韻入西風悲遠天不斷清音  
千樹嚙欲枯黃葉半林懸偏聞只在秋聲裏漫  
看全歸夕照邊唐調聊言秦漢事非關清廟與  
朱絃

適意

籬有黃花逕有松敢言大塊自陶鎔碧懸雲岫  
移情遠紅染霜林引興濃隨意吟詩心曠達有  
時對客語從容晚來更覺神清爽月暎幽窗竹

影重

敬一堂詩鈔卷七

敬一堂詩鈔卷八

混同顧八代文起著

長白鄂容安虛亭輯

七言律詩

九江道上見羽書頻馳馬上口占

不知何處報軍情羽檄交馳萬里程却擬烽連  
三楚境還疑變自五羊城風雲胸已羅奇正草  
木時堪作甲兵豈爲解圍思靖粵是時  
在梧州被困  
公奉  
粵參贊軍務  
命赴  
恢復聊可答平生

進粵過南昌晤多都憲話舊

道顏契濶歲時賒因歷南昌暫繫艤意外相逢  
驚若夢別來情緒亂如麻君仍獨鎮留江右我  
即兼程赴天涯漫說還鄉重握手此身許

國久忘家

沅江有感

鴟梟鳴畫事堪傷惟剩橫江古石梁風捲牙旗  
新鎮府烏啼殘壘舊州牆五溪水赤屍流積兩  
粵山腥草不香一戰麤安民未聚閭閻瓦礫半

城荒

登端州望江樓題壁

雲樓突兀聳江臯  
宇宙空明興更豪  
平眺千巖山矗矗  
俯臨萬壑水滔滔  
舳檣並諸軍合旗  
幟光鮮太白高  
欲掃妖氛清百粵  
平滇只在一揮旄

澧川舟中

夜泊澧川酒半醺  
醒看秋月墜江雲  
帆隨岸轉荷香近  
鴉遶林啼曙色分  
幾日遨遊携壯士  
多

時宴賞識元勲感君委曲憐才意却憶蘭膏戒  
自焚

兵次江干訪郎觀察

極目斜陽映水村錦山秋色欲黃昏旗分禁旅  
初將泊兵過荒原早掩門樹帶風聲巖上振江  
涵月影浪中翻思君此夜遙相訪聞說旌麾駐

小園

郎觀察西廳小酌賞牡丹

愛花泥飲紫霞觴却把蒼梧當洛陽謾學奔塵

銜舊種曾嫌逸馬踐新妝衣香徹骨風時拂酒氣薰心醉半狂乘興漫題紅藥句任他金帶對王郎

中秋夜集醉題郎觀察鐵梨閣

邀賓設酒開梨閣秋夜平分興更幽笛韻半從銅漏起蟾光只在碧窗浮但將景物舒游目莫憶鄉關動旅愁好待滇南平定後重來乘月共登樓

紀事

曾希黃霸志安邦更贊軍謀赴兩江決策未須  
增減竈擒王先奪淺深幢三軍勇奮風雷合百  
粵心甘肉袒降帷幄已欽多

廟算臣工何有計無雙

潯江待水師有感

兼程進勦自潰西聊待舟師暗整齊犄角相倚  
憑水陸風雲轉變忽昂低四州人散屍橫野二  
水流腥血滿谿日暮陰風天地慘戰餘新鬼夜  
悲啼

平南道上

仰感天心智我加任他螳臂一當車兩江已歎人如草百戰堪悲屍若麻先取潯陽聯首尾次收鬱貴作脣牙兼程直搗橫邕穴便看滇黔似井蛙

其二

水陸兼程勢並張吞吳何事阻潯陽破堅久待三軍合決勝新承六詔將半夜千車馳戰馬片時萬艘駕風檣邕州更有勤

聖皇

王旅早晚平滇報

貴縣

只爲恢疆到此來  
滿城瓦礫感黃埃  
賊多殘忍誠難恕  
我抱囊籌更自哀  
恩信谷公民永祀  
清廉陸績像堪陪  
千秋猶憶甘棠惠  
何事吳人苦布災

蒼梧形勝

形勝蒼梧更若何  
幾朝踏遍衆巖阿  
城臨二水

魚龍靜地接三山虎豹多溪漲分流因夜雨壁  
懸貫翠是春蘿金湯從此千年固梗化萑苻盡

倒戈

贈躉鎮南

金壇翹楚是人豪事業非徒譜六韜信協羊公  
垂緩帶交逾公瑾醉醇醪決機應變無疑義臨  
陣摧鋒豈憚勞三載戎軒行勦撫討謀莫逆勝

同袍

梧江泛舟

舟人指點翠微峰言聽溪頭野寺鐘千里水光明且淨雨邊山色淡還濃已知從者偏憐卉未知阿誰肯看松寄語他年江上客煙波何處覓孤蹤

蒼梧

有火山雲山

爲愛蒼梧景最幽息軍暇日到林邱樓名白鶴崖邊建亭號嘉魚水面浮荇葉翠迷歸棹晚桂花香襲客衣秋何時一掃櫳槍靖火頃雲頭細

細遊

蒼梧夜望山火

夜靜憑欄方縱目忽驚赤焰數峰餘看來野火  
山皆赤非是鏖兵戰未除擊柝城頭鳥自散衝  
雲天上雨偏疎千巖更訝潭如畫無限煙霞晝  
盡虛

春遊繫龍洲

砥柱中流梧城東晴霞如綺映亭紅城臨二水  
諸蠻靜州控三山百粵通自愛仲春花氣暖不  
妨半醉酒樽空雙柑誰共幽賞好聽黃鸝興

謾窮

暮春再遊繫龍洲

溪柳低垂好再遊  
繫龍洲畔泛扁舟  
殘花非待人重至  
逸興翻憐景更幽  
竹裏疎鐘聞野寺  
岸邊清吹遏高樓  
閒情吟續前題句  
如許春光惜慙留

蒼梧江亭

夏日臨流夕照明  
波光搖蕩徹江清  
已知帥府堪消暑  
更愛江亭可寄情  
日影漸移千樹暗  
鶴

聲猶在九臯鳴元戎同向西南眺新月如鉤水上生

蒼梧冬夜雨廣金制軍携酒問策

仰看鴻鵠恣翶翔欲醉無人共引觴帳外忽聞嘶駿馬梅間轉見列壺漿任他烽火城迷霧且看山川月似霜若伏圍師應必缺搜柴一戰可擒王

蒼梧江亭月下有感

亭畔雲屯驃營蒼梧日落數峰清水分萬壑

翻增怒月映干江未減明軍帳此時多算勝溟  
池何日始承平兵機貴速師休老寄語將軍早  
下城

麻公謙六奉

敕招撫馬雄至梧江舟中夜話

兵臨西粵泊蒼厓更喜明公散宿蘿已奉

宸謀辭

帝闕遙銜

丹詔到天涯舟中剪燭三更話江上談兵萬里懷

明日鯨鯢堪向化獨銷烽火報

天街

三合山訪時總戎喜得家報

訪友重來古戰場登巖一望意蒼茫芳春爲客  
頻驚夢令節思親欲斷腸山麓戎營臨碧水柳  
邊驛路帶斜陽故園有子封書至爲報平安字  
幾行

三合嘴小酌

賊勢猖狂晝夜侵轉將樽酒約同斟靜中已伏

風雲陣刃下惟存天地心衆士心齊方氣銳元  
戎畫定本謀深梧城更借河山險未許鶻鴞出  
泮林

其二

四座慇懃諸將陪見招肯却總戎盃向人舒嘯  
心非喜附耳傳機意自哀漫道鬱林烽火急任  
他樞部羽書催明朝八陣應堪試不使鯨鯢鼓  
浪回

出師討逆已經六載將士各有懷歸之思

因躋蒼梧三合山感而有作

四望山河感夕暉  
南州久陷虎狼圍  
版圖玷缺思全復  
寇盜猖狂笑彼威  
銅柱功勲應早建  
碧雞將士莫懷歸  
明朝八陣還堪試  
參贊無須著鐵衣

蟠鎮南自蒼梧檄偏師  
額赫納帥禁旅抵貴合軍以振兵威

桓桓禁旅馬頻嘶  
萬火宵明太白低  
今日合營兵勢振  
明朝行部鼓聲齊  
千旗已少孤軍慮八

陣應教  
物寇迷若有摧鋒先冒矢論功定附捷

書題

戊午春康州作

漫把良辰付鬱陶且開虎帳集征袍  
溯杯直擬傾三峽舞劒何妨對二毛  
醉眼看花疑隔霧山泉引水似飛濤  
攀歡莫使鄉思起只道天涯意氣豪

戊午春康州琪園賞玉蘭花小集

花下開樽近綠莎辛夷花發滿庭柯  
自呈玉瓣

超梅蕊却伴青松掛女蘿揮塵清風香入袖擎  
杯擊管鳥爭歌思鄉不減春遊興坐戀年芳醉  
若何

康州春日登樓

日夕登樓意豁如無邊春色望中舒端溪翠巒  
峰巒秀金谷紅憐花木餘松掛斷雲千丈壁崖  
懸古畫幾人居明朝携酒重來賞逸興憑闌看  
釣魚

寓德慶李叅戎園林

借得閒園五畝宮披襟默坐萬緣空一灣碧水流窗外幾點青山入鏡中不爲登樓銷暇日也堪開室待清風琴樽豈獨耽幽況更味詩書意莫窮

移居盤坤村樓

參戎僑寓豈求華但得村居意自奢牆壁堅完深可賴門庭古樸更堪嘉水環地僻無人到樓小窗幽有樹遮架上圖書惟數種坐觀只當老夫家

夫家

康州初雨

康州初雨浥囂塵定使迷離柳色新簷溜聯珠  
如瀑布林風落瓣作花茵漫言景物初宜客却  
喜雲霓久望人更待晚晴耕種好枝頭布穀正  
啼春

康州擬遊雨阻

風雨忽看岸柳斜賞心孤負一園花江頭細路  
泥全滑戶外陰雲嶺半遮未遂雙柑酬客況空  
令斗酒尋天涯牆隅返照山初

晚霞

康州重之香山

再到巖阿戀夕陽重看蕙草憶春芳松遮古石苔還綠雁唳霜空菊已黃桃李艷陽如昨日芙蓉返照是秋光可憐風景時流轉心賞翻嫌在異鄉

敬一堂詩鈔卷九

混同顧八代文起著

長白鄂爾泰西林輯

七言律詩

己未蒼梧已破僞將軍吳世琮衆將遲疑  
未即進勦感而有作

鱗鎮南奉

命進剿渙南統諸軍將抵盤江而僞將軍

吳世琮已渡江矣自注

指揮而諸路將帥又數爲世琮所敗無  
有當其鋒者蟒公以兵符授公公固辭  
諸將帥皆勸公蟒公且曰平滇在此一  
舉叅贊公獨不念乎公隨受符節暗布  
八陣明日大破吳軍而敗北之兵皆死  
于背水公即日還兵符於鎮南軍中事  
悉聽於諸將帥焉是時京察大計執政  
索公與公有隙議以浮躁降調郵報至  
軍中公卸叅贊而待

命蟒公多公戰功密疏保公疏草已就方  
夜公始聞就鎮南帳中請稿一視鎮南  
出稿示公公執稿焚于燭鎮南驍然公  
徐曰諸將帥數爲賊敗待罪征南以此  
功分於諸將帥而衆罪可得免也願將  
軍圖之蟒公嘉公言以告諸將帥諸將  
帥造公帳拜謝公曰我未之有此事也  
尋卒

命留公仍叅贊軍務公見諸將遲疑因之

有感

鎮南卧病授兵符參贊囊籌敢破吳五萬賊軍  
傾背水百千禁旅應長驅機宜坐失誰擔過援  
救人增我勢孤爲語同儕諸將帥攻其不備在  
先圖

哭鎮南將軍

執手彌留不復言從今難再報

君恩故交心折悲泉路上將星昏隕太垣旅帳豈能  
長伴柩天涯那得更招魂京華正盼師旋日白

髮慈親靜倚門

其二

一夜悲風起亂山哭聲振地是民間下城獨使  
毫無犯越境能教戶不關吳孽未平身已歿慈  
幃正遠夢空還黃金縱鑄非真像萬古浮名亦  
等閒

其三

身喪巖疆萬事空三軍七日哭秋風駐營煙起  
遲方爨公每下營命左右出視四圍爨皆起然後令庖人舉火而食侍士心

誠每讓功寰海方多稱夙將

朝廷久矣鑒孤忠千秋青史留心血一劖時鳴舊

匣中

庚申秋邕州作

時鎮南已故暫停進勦因待

命焉

不畏前征行路難祇因將沒暫爲寬山含殺氣  
兵依壘草映斜陽馬解鞍萬里秋悲喧地軸一  
星夜隕落江灘挑燈獨坐愁無限何日滇民始

得安

邕江作

上將星流隕化城壯猷豈竟負平生論兵正想  
指揮日洒淚空悲存沒情燈暗三更孤夢醒月  
明萬里一猿鳴五公已並同祠廟心血惟留百  
世名

贈賴綏遠

雄談捷略老英豪秉鉞專征擁白旄吐氣偏稱  
曹孟德論兵郤鄙霍嫖姚六奇制勝全憑策八  
方一堂詩妙

清一言金玉集卷之二

陣成功正在韜歸報版圖恢復

命郊迎

御帳賜緋袍

邕州同友人月下小酌

夜靜庭花散晚香罷書客至興偏長一輪明月  
堪爲燭四面青山可作牆偶擬詩題惟漫咏頻  
沽肆酒更盈觴戎軒元許鉅銃會白眼看人不  
謂狂

邕州金兩廣邀飲

桂櫂蘭橈載酒芳春風解意動帆檣江頭垂柳  
藏鶯轉舟畔飛花帶露香制府慇懃新莫遂參  
謀懶慢舊疎狂終朝不憚如泥醉歸路吟看月  
似霜

邕署小園

官衙暫作參軍署無數名花遶一亭簾入蘭香  
心共馥盃傾竹葉眼同青漆園粉蝶空成夢現  
陣青龍未有形樹裏清音時到耳黃鸝坐愛小  
園聽

題邕州園壁

暇日西園景物宜偶因題壁墨淋漓謾言花鳥  
開心目轉覺林園感別離野鶴冲霄能健翮慈  
烏反哺豈無知白雲遙在斜陽外北望庭幃萬  
里思

邕江南樓秋望

邕南秋色逼人來高閣登臨眼界開樹裏鳥飛  
紅葉動江頭漁唱小船迴吟看景物偏增興醉  
戀風光更舉杯向晚阿誰明月下一聲玉笛落

寒梅

邕州秋夜

仰觀碧落喜新晴萬里無雲月自明零葉滿階  
心愈靜涼風拂袖意尤清雲行出岫迷山色松  
響如濤雜水聲夜半聞砧兼聽笛那堪清韻是  
南征

九日邕州南樓小酌

元戎邀我看秋菊直上南樓眺鬱江溟水浪花  
搖北岸旻天日色映南窗奔潮吼帶笳聲遠舞

袖光翻劔影雙醉插茱萸何所見東流萬壑晚

淙淙

金牙廟口占

獨詣金牙意自娛應知酬

國在斯須公爲創業摧鋒將我是恢疆決策儒此  
日按兵方築壘明朝制勝定平吳忠誠敢借將  
軍力更護風雲八陣圖

螺山西樓寓意

單騎批圍定粵西一籌三擊靖滇黎石鯨空假

兩江水鐵騎非關八駿蹄以逸待勞憑隱伏攻  
其不備在端倪從來志士心常苦謾笑書生事  
鼓鼙

趙將軍見訪問策

時公數獻策取銀錠山以炮擊城中即  
日城可下大將軍賴公不從其言以致  
坐視師老迨趙將軍率所部至漠問策  
於公深服公言隨取銀錠山明日城克  
赫赫聲聞超上班敢勞枉駕草茅間君名久著

碧雞嶺吾計先圖銀錠山探取滇城如反掌俯  
將石礮克重關元戎用此師焉老早報京華振  
旅還

登磨盤山晚眺

登山盤至朗吟亭四顧巖嵌眼倍青萬壑爭流  
環似帶千巖疊嶂列如屏江連雲影空中看風  
送泉聲世外聽更愛半規御嶺日蒼松恆石轉

虛靈

滇池南樓晚眺

極目昆明水一灣澄波蕩漾夕陽間煙消樹暝  
碧雞嶺月出空連金馬關祇爲平滇來此地敢  
論畫策靖諸蠻漢時徒有鯨魚在伏檻看他是  
等閒

陪大將軍遊安福園

駿駿小隊入山坳翠繞名園萬竹苞幾樹老梅  
開野逕千巒怪石竦春郊營邊細柳無鶯語梁  
上新泥有燕巢更欲題詩留素壁撚鬚待月共  
推敲

三遊碧雞

數騎旋離細柳營  
監軍又到碧雞城  
冬蠟未滅春秋麗  
滇海欣瞻宇宙清  
山勢如雞連草碧  
天光映水徹空明  
南寧景物三經眼  
一息兵戈萬里平

滇南道上

半壁妖氛衆庶哀  
丹心自許竭駕駘智囊已展  
當年學武庫頻抒邇日才  
昔憶五羊銜命去  
今平六詔唱歌回  
碧雞金馬難攜賞惟有閒

雲共北來

藤邑八賢堂

并序

八賢者唐李靖宋之間李白宋蘇軾蘇轍秦觀黃庭堅李光也

藤邑八賢廟貌清欣瞻一拜古今情已知儒將功偏著豈為文宗氣不平歲臘有人呈俎豆階除無逕感榛荆傾心屈指唐兼宋非德難遺後世名

王陽明先生宣化書院

功傳南國慕遺芳道著名存一講堂戶外晴雲  
如太古階前春草有餘香常時過客來相奠伏  
臘村民走奉觴自是先生傳性學千秋篤實仰  
輝光

德慶暮春閒遊

一望山山俱有情千峰萬壑少孤城春深蝶逐  
飛花落谷靜風傳倦鳥鳴幾處溪橋新漲滿數  
家籬落淡煙橫留連最愛斜陽景半暎林泉畫  
不成

洮州道上

沿江遙望水漫漫竹屋柴扉逞小巒幾處谿邊  
張獵網數家月下理漁竿江光如練天搖碧樹  
色含霜葉染丹莫使鄉思心萬里林泉只當故  
園看

辰州道上

三遊此地接餘歡水凈山明得飽看峰畔亂雲  
生萬仞江間急浪下千灘人行樵逕遙相見鳥  
哢林花尚未殘郤過石梁西數步正逢九畹有

幽蘭

自沅辰至武陵遍覽途中諸勝泛湖有作

武陵湖水達沅渠處處流連興有餘八景風光  
皆畫幅十池物色盡清虛

桃川仙景白馬雪濤綠蘿晴畫梅溪煙雨

潯陽古寺楚山春曉沅江夜月童坊曉渡是為  
八景白鶴池火星星池玉翠池龍池學書池卧龍  
墨池洞神池墨池是為十池岸邊遠樹疎還密嶺上浮雲

卷復舒幾日縱游無限意扁舟不是為鱸魚

沅辰道上

奏凱歸來駕小舠乘風破浪興偏豪爍邊松翠

巢孤鶴江上蘋花隱巨鼈雨粵時清湘水遠五  
溪烽息楚雲高黔黎共喜滇南靖從此江山萬  
載牢

襄陽遇友

平滇靖粵奏功成萬里迴鑣到楚城漢水煙波  
魚自躍峴山晴樹鳥時鳴輕裘緩帶思羊祜東  
箭南金讓顧榮此地逢君無限意一樽聊慰別  
離情

敬一堂詩鈔卷九

敬一堂詩鈔卷十

混同顧八代文起著

長白高斌東軒輯

七言律詩

感遇

幾年參贊靖滇池  
振旅歸來擬下帷  
檢點書籤重  
整架掃除胸滯自持  
願方甘茅屋堪藏拙詎  
意

楓宸更見知推食解衣真

異數慙愚深愧

聖明時

自警

吏治從來在典型範圍庶職莫如清一塵不染  
心方淨萬慮皆空物自輕豈爲鞠躬思盡瘁每  
因密奏避邀名鶴行之末陪夔契惟奉丹誠答

聖明

雜詠

謾說愁心若死灰還因花發獨徘徊吟冤但喜

清樽滿詩債偏嫌白髮催三逕荒蕪重自關一  
生懷抱爲誰開偶然林外逢僧話知是狂夫歸  
去來

慰老

老態難禁白髮催偶因對鏡笑還哀身依竹杖  
常爲伴足踏殘花誤認苔父矣門無車馬迹窮  
乎巔有夏冬埃胸藏萬卷堪言富問字猶欣酒  
滿杯

寄友

久翫林泉興未窮終朝吟詠竹齋東壁間醉墨  
君題句天外清音我嘯風講易偶然酬遠客垂  
綸仍是讓漁翁封書寄與青雲侶莫笑潛夫萬  
慮空

適意吟

閉戶甘貧貧亦佳不妨布襪與芒屨小園有竹  
開三徑久宦惟書積一齋清俸每多還酒債空  
囊原未礙詩懷晚來待月橫琴坐風響秋林葉  
滿階

雨露由來未有私  
蕙愚涉世更何知  
白圭心感誰三復  
瑞雪梅舒自一枝

都俞慚隕越無妨  
老病任磷縕

聖朝應不乏夔契  
從此容臺事莫思

安分

松間閉戶守謙冲  
歸卧南窗日影紅  
悟矣自非失馬叟  
鄉乎誰是奪牛翁  
忘機不凝中林趣抱朴還希上古風  
偶出紫門閒寄目小橋曲逕水

西東

元日

元辰每喜樂時雍遙望卿雲拜

九重臥病謾言溫室樹聞聲猶憶景陽鐘拳拳不  
廢林中意翼翼寧忘

闕下恭朝罷親朋傳盛事

天階此日瑞烟濃

春日偶成

芳林客去鳥還飛獨坐匡床對落暉松下有琴  
彈古調覶中無米念恒飢種花偶自成真賞削

跡原非與世違試問百年能幾日白頭應早息

塵機

獨坐

虛窗危坐感洪鑪獨對寒燈笑腐儒白髮應非人世少金丹但解古今無且看雪後梅初放謾使樽前意不娛靜夜捲簾天若水半空晴月一

輪孤

偶感

林泉久憶夢還迷蒼狗閒雲東復西得失塞翁

詩一月言金  
同一馬死生祝叟化千鶴洪鑪豈有仙凡別橐  
鑰能教造物齊偶憶當年遊宦處紗籠壁上是  
前題

慨老

從來天道本無欺用舍行藏自不疑豈爲避言  
甘遯跡祇因抱病敢違時杖藜扶拜羞逢客對  
月銜杯懶教兒五十年來酬

國志今朝甘卧學希夷

別墅

別墅幽深野趣長。嘯歌泉石任徜徉。  
藜床自覺夢冤靜，麥飯還留齒頰香。  
酒債頻增招客飲，詩魔未減對花忙。  
欣逢

盛世貧還樂攬古談空任自狂

其二

只須布襪與芒屨，萬壑千峯任放懷。  
芳草溪邊渾冉冉，幽禽枝上自喈喈。  
囊空何羨參苓美，花放還欣筆硯佳。  
日暮殘編看未了，一燈相對坐山齋。

山齋

太子河別業

東梁高岸構茅堂  
門外疎林引興長  
花鳥未全供嘯咏  
田疇聊以足糇糧  
情隨漁父臨春水  
心與鷗盟伴夕陽  
莫謂清同黃叔度  
不須萬頃更

山居

久嘗飯後黑甜味  
時嗅牀頭白墮香  
即此洞天堪寄老  
謾尋福地可深藏  
茶鑄煙細峯巒靜  
書案心閒歲月長  
林叟時來相晤語  
不拘禮數坐

谿旁

其二

沙村竹色連溪綠石壁松陰覆簾涼  
明月如霜清醉眼白雲似雪入虛堂  
高凭疎檻山低戶遠引飛泉水遠廊  
但覺箇中多樂事長吟抱膝亦何妨

其三

盤飧一味樂無窮茆屋三楹可蔽風  
和雪嚼梅清徹骨歌商吐氣浩盈空花前  
須燭燃松葉石

畔啣杯倒酒筒但覺山居天地靜此心非不與人同

東梁河別業

幾畝山莊不近城一家勤讀復勤耕欵鑿密堵羅千堡澣沆澄溪繞數楹釣水樓中留客醉合營臺畔促詩成微軀若問頤生術步月臨流百慮清

村居

閒居惟愛歲時賒架積叢書漫五車偶向雲中

招野鶴郤看天際綴晴霞傍林曳杖聽松韻坐  
石橫琴待月華猶未樂山兼樂水世人莫道勝  
仙家

奶子房別業

築室清河古堡邊漸離塵市近雲煙遠山西峙  
疑雲岫野水東環想釣船懶向鄙人談俗事閒  
凭草案理殘篇偶攜竹杖臨流坐魚躍鳥飛意  
豁然

清河別業

芳林綠野恣逍遙數日遨遊興益饒玩水看山  
塵慮息枕流漱石俗情消曾無親友來相訪只  
有雲霞遠見招隣寺知余非久住殷勤煮茗老  
僧邀

雜詠

貧當抱膝詠虛堂何用觀書借壁光惟畔螢輝  
憐腐草鏡中衰貌感枯桑平生立志師尼父闔  
宅飛仙笑伯陽城市山林同一隱微軀莫謾計

行藏

即事

清閒不覺耗年光，每玩圖書列滿床。  
取醉鄰無賒酒肆，療飢世少學仙方。  
半園枯竹堪高隱，一室清風可自當。  
寄語白蘋江上客，濯纓濯足總滄浪。

周羅平至

忽爾相逢敬一堂，廿年燕粵隔風霜。  
鬚眉但訝看來異日月，焉知別緒長漫說。  
典衣潛故里還能沽酒度流光，今朝見爾應須笑話。  
到當時意

轉傷

偶作

自信冰霜一苦人襟懷牢落不爲羣田疇念切  
三春雨書卷心如五岳雲此日空思酬

聖世殘年何以答

明君河清海晏今無事豈用倥偬憶解紛

憶大司寇

政聲久矣著西曾胸臆澄如萬頃濤人仰一棠  
懷名伯世傳五德感臯陶愁中濁酒思清酤夢

裏題詩寄綵毫向晚抱琴空佇望青松枝上月

輪高

雜詠

落落賢坊老敝袍無錢偏欲飲香醪操觚久乏  
花增趣抱甕寧辭日汲勞心共身閒宜歲月人  
隨地僻遠塵囂偶持一卷窗前讀坐對雲峯竚

自高

其二

郤著荷衣脫錦袍謾將薄劣認清高幽閒書味

無塵慮潦倒年光有濁醪竇氏秋香曾五桂狄  
門春色幾多桃三才間氣儲靈秀不假東風作

剪刀

遙憶芍藥亭

錦雲縹渺翠屏開舊相園門接水隈芍藥空留  
今日豔杜鵑猶帶昔年哀

雨朝人物推元老幾度亭皋鎖碧苔遙憶清芬頻  
夜夢春風未許更徘徊

癡吟

世路崎嶇獨守癡不知有我更知誰送來麥飯  
朝常飽坐破繩床歲復移窗月光欺紅燭照林  
風聲作玉簫吹逢人一任呼牛馬淡泊襟懷總  
不疑

草堂即事

老來朝夕卧虛幃性癖當年已息機幾卷詩書  
耽靜默一窗日月遞光輝偶尋柳院聞鶯語更  
向花叢看蝶飛忽訝園中風雨至高雲何事與  
心違

追思同事諸將

囊籌偶展豈言功奇正相生指顧中參贊但揮  
誥葛扇將軍多佩虎賁弓周營李陣三江峙熱列  
粦滇南萬里通回首同人成遠夢兩間只有一  
孤忠

敬一堂詩鈔卷十